



## **CUDURKA BALAYGA SAMBABKA**

Cudurka Balaygu (Plague) waa cudur faafa oo ku dhaca xayawaanka iyo bini'adanka oo uu sababo bakteeriyyada loo yaqaano *Yersinia pestis*. *Y. pestis* waxa laga helaa xayawaanka yaryar ee qaniinaha ah ee uu ka mid yahay jiirka iyo boodada ama tagfida la socota, waxana laga helaa meelo badan oo adduunka ah.

### **Calaamadaha**

Balayga sambabku waxa uu dhacaa marka *Y. pestis* galo sambabka. Calaamadaha ugu horeeya ee lagu yaqaano balayga sambabka waa qandho, madax-xanuun, tamar-dari iyo qufac wata dhiig ama xaako biyo-biyo ah. Cudurka sambabku (pneumonia) waxa uu sii socdaa laba ilaa afar cisho waxana uu keeni karaa dawakh ay sabab u tahay sunta cudurka, kaasoo, haddii aan la daweyn, keena geeri.

### **Qaadista**

Qaadista u qofku cudurka balayga sambabka ka qaado qof kale waxay ka timaadaa dhibcaha dheecaanka ah ee la socda neefta qofka, kuwaasoo cudurka gaadhsii kara kaliya dadka wajigoogu u dhow yahay wajiga qofka bukaanka ah.

### **Talaal/Ka-hortag**

Ma jiro talaal loo hayo cudurka balayga. Dowo anti-biyootiko ah oo ka-hortag ahaan qofka loo siiyo waxay qofka la leh xidhiidh waji-ka-waji ah bukaanka cudurka qaba ka badbaadin doonta cudurka todoba cisho.

### **Daweyn**

Waxa muhiim ah in cudurka balayga sambabka dhaksho loo daweeyo. Dhawr dawo oo ah antibiyootig ayaa wax ka tara cudurka, waxana ka mid ah streptomycin, tetracycline iyo chloramphenicol.

**Wixii ah war dheeraad ah, wac North Dakota Department of Health (Waasaaradda Caafimaada ee Waqooyiga Dakota) oo leh lambarka 701.328.2378.**